

諱盈達字勝遷珪璋雅韻日角仙姿膺世而與凡不同問生而殊  
常傑衆稟人龍之正氣洞宏海之遐源上膺星辰下符岳瀆故得  
武經蘊抱張子房之密計變通韜略生知黃石公之兵書暗曉功  
傳射鴈戟體表懸弧輪槍則塞虜沆聲仗劍乃兇渠自伏加以常  
修直實不慕奸欺抱君子之令名得古賢之節操因茲軍州慎選  
注任轅門擢委斑資始霑將務故能訓齊士卒可謂如虎如貔部  
領軍機每有前盈後勝重遷寵祿委任步軍都知而又盛績雙彰  
殊勳克著塞上之雄豪無敵沙場之猛氣過人譽播衙庭兼受極  
任紫亭貴鎮葺理邊城撫育疲徒如同父母又遷上品委任馬步  
都權統領洪軍共收河西隴右而乃名標三傑功蓋八元位列崇  
高遠霑渥澤播白氏輸秦之籌策掩蕭何佐漢之聲華威振八宏  
名揚九極豈期天祿將逼忽掩夜臺七州慟哭而雲鴈愁容五郡  
含悲而星光暗矇軍門痛惜 主上傷嗟孤子哀號雉女無望 繼